





8212-
- 8216


Augustanie

BIBLIOTHECA
UNIVERSITATIS
VIENNENSIS



8212-
AUG. - 8216





CONCLUSIONES THEOLOGICÆ

Juxta Mentem S. THOMÆ Aquinatis Angelici
Quinti Ecclesiæ DOCTORIS.

Infra Ejusdem annua Festivitatis Solemnem Octavam

P R O

Publicis Disputationibus in Conventu & Studio Generali
Cracoviensi ad Aedem SSmæ TRINITATIS PP. Ord.
Prædicatorum

EXPOSITÆ.

Anno Domini 1775. Mense Martio.

CRACOVIAE Typis Collegii Majoris Universitatis.

Volumus & tenore præsentium vobis injungimus,
ut Beati Thomæ Doctrinam tanquam veridicam, &
Catholicam sectemini, eamq; studeatis totis viribus
ampliare, *Urbanus V. ad Tolosanæ Academicam.*


Hujus Doctoris (1) Doctrina præ cæteris exceptâ
Canonicâ, habet proprietatem verborum, modum di-
cendorum, veritatem Sententiarum: ita ut nunquam
qui eam tenuerit inveniatur à veritatis tramite devias-
se, & qui eam oppugnaverit, semper fuerit de veritate
suspectus. *Innocentius VI.*

Doctrinæ S. Thomæ Aquinatis Divinæ Volunta-
tis interpretis, vitæ sanctitate & miraculis clari, tan-
tùm fuit tributum, ut Christianæ eruditionis suæ, Di-
vinum etiam illud habeat testimonium, sicuti piè te-
statur historia: Bene de me Thomæ scripsisti.

Benedictus XIV. in Brevis dato Aô. 1752.

(1) idest S. Thomæ de eo enim loquitur:

Aug. 8212-8216



Ex Tractatu De Virtutibus in Communi.

I.

Appetitus Sensitiuus, prout Natus est Obedire rationi, est subiectum Virtutis, scilicet Temperantiæ & Fortitudinis.

II.

Præter Virtutes Morales acquisitas, sunt aliæ à Deo per se nobis infusæ.

III.

Virtutes morales acquisitæ in statu perfectò sunt ita inter se connectæ, ut qui unâ caret, nullam perfectè habeat.

IV.

Possunt esse sinè charitate veræ Virtutes morales acquisitæ, sicut fuerunt in multis gentilibus, sed imperfectæ.

Ex Tractatu De Vitiis & Peccatis.

I.

Omne vitium, tam illud quodd opponitur virtutibus acquisitis, quàm illud, quod opponitur Virtutibus infusis, est contra naturam hominis.

II.

Peccatum Commissionis in ratione mali moralis formaliter constituitur per aliquid positivum, scilicet per tendentiam actus humani ad Objectum ut regulis morum difforme.

III.

Peccatum Omissionis fit inchoativè & quo ad affectum quando ponitur Causa; consumativè verò & quo ad effectum; quando adest tempus implendi, modo tamen omissio maneat Voluntariâ in sua causa.

IV.

Peccata Commissionis & Omissionis in esse moris considerata, si circa idem objectum ex eodem motivo procedant, sunt ejusdem speciei.

V.

Non tamen omnia sunt paria.

26

VI.

VII.

Voluntas est subjectum peccati formaliter sumpti.

VIII.

Verum non sola duntaxat Voluntas, sed etiam appetitus sensitivus & ratio sunt subjectum peccati formaliter sumpti, non tamen membra, aut sensus externi.

IX.

Nullum peccatum formaliter sumptum etiam Veniale potest esse in, & à solo appetitu Sensitivo, absq; actuali aliquo influxu, saltem interpretativo Voluntatis.

X.

Undè motus sensualitatis primò primi, nimirum qui omnem rationis advertentiam prævertunt, aut ii quos inviti patimur, quantumvis versentur circa objecta graviter illicita, non sunt peccata, nequidem Venialia.

XI.

Potest dari ignorantia invincibilis juris positivi Divini non solum apud Infideles, quibus non est annunciatum Evengelium, sed etiam apud Fideles, quibus est annunciatum.

XII.

Eadem ignorantia potest dari in adultis perfectum usum rationis habentibus, juris naturæ quo ad præcepta remotiora & obscuriora.

XIII.

Ejusdem juris Naturæ ignorantia invincibilis excusat à peccato formali operantem ex ea.

XIV.

DEUS nec est, nec esse potest per se & directè causa peccati.

XV.

Peccatum Originale, secundum Fidem Catholicam tenendum est traduci in Posteris Adæ.

XVI.

Hujus peccati essentia, seu formale constitutivum consistit in privatione justitiæ Originalis quo ad primarium ejus effectum, ut Voluntaria nobis Voluntate Capitis.

XVII.

Fabulosum est Præ-Adamitarum systema, Verbo Dei contrarium, & nullo probabili fundamento nixum.

XVIII.

Parvuli morientes cum solo originali peccato non patiuntur penam sensus.

XIX.

XIX.

Idem morientes cum solo originali, nullam tristitiam nullumve dolorem percipiunt ex privatione Visionis Beatificæ, non sunt tamen Beati Beatitudine naturali.

XX.

Dantur peccata venialia, non solum ex conditione peccantis, aut ex Dei misericordia, sed ex natura sua à mortalibus distincta.

Ex Tractatu de Sacramento Pœnitentiæ.

I.

Christus Dominus concessit Ecclesiæ suæ Potestatem remittendi peccata omnia post Baptismum commissa, quanquàm ea gravissima fuerint, adeo ut nullum prorsus sit in hac vita crimen irremissibile.

H.

Pœnitentiæ, quæ in Ecclesiâ agitur, est verum & propriè dictum Sacramentum à Sacramento Baptismi ejusq; memoria distinctum.

III.

Materia remota ejusmodi Sacramenti Pœnitentiæ sunt peccata post Baptismum commissa, ut detestanda & destruenda: mortalia quidem, materia necessaria, venialia verò, materia libera. Actus autem pœnitentis videlicet: Contritio, Confessio, & satisfactio habent rationem materiæ proximæ, seu partium materialium componentium intrinsecè hoc Sacramentum.

IV.

Forma conveniens & legitima dicti Sacramenti, communiter his exprimitur verbis: Ego absolvo te à peccatis tuis &c. Sacerdosq; eorum prolatione non solum declarat, seu ostendit peccata esse dimissa, sed ea verè remittit.

V.

In Sacerdote tamen præter potestatem Ordinis, necessaria est potestas Jurisdictionis vel ordinaria, vel delegata non solum ut licita, sed etiam ut valida sit ejus absolutio.

VI.

Pœnitentiæ, si sermo de ea instituatur prout est virtus, certum est eam quoq; esse virtutem propriè dictam.

VII.

VII.

Effectus Pœnitentiæ internæ est remissio omnium peccatorum, quoad culpam & pœnam æternam.

VIII.

Dimissâ nihilominus culpâ, & pœnæ æternæ reatu, peccator sæpe numero manet obnoxius pœnæ temporali luenda vel in hac vita per actus satisfactorios, vel in alia per supplicium Purgatorii.

IX.

Unum peccatum mortale nequit homini per pœnitentiam remitti sine alio.

X.

Peccatum etiam veniale non potest remitti sine ulla pœnitentiâ, quæ tamen non necessariò debet esse Pœnitentiâ formalis, sed sufficit virtualis.

XI.

Remissa semel per pœnitentiam peccata non redeunt simpliciter per peccatum subsequens, sed secundum quid tantum.

XII.

Opera tamen bona per peccatum mortificata reviviscunt per pœnitentiam, & quidem secundum gradum & mensuram dispositionis, seu contritionis, quâ peccator resurgit pœnitentiâ sequenti.

De Partibus Sacramenti Pœnitentiæ.

I.

Contritio est animi dolor ac detestatio de peccato commisso cum proposito non peccandi de cæterò.

II.

Essentia Contritionis non consistit formaliter in his tribus, scilicet in dolore, odio, & proposito, sed formaliter in solo dolore, præsuppositivè in odio, & consecutivè in proposito.

III.

Quamvis omnibus sit syadendum tanquam salutare consilium, statim post peccatum conteri: Attamen præceptum contritionis, non obligat per se statim ac peccatum commissum est, nec statim ac memoriæ occurrit, neq; singulis Dominicis, & Festis.

IV.

IV.

Contritus Charitate perfecta non solum in casu necessitatis, sed etiam extra casum necessitatis hominem Deo reconciliat, antequam Sacramentum actu suscipiatur.

V.

Atritus seu dolor de peccatis ex solo gehennæ metu, sine Dei amore benevolo etiam si non dum sit satis efficax ut absolute excludat omnem peccandi voluntatem, si tamen ad id conetur, & inducat, nec sit serviliter servilis, est bonus, honestus & utilis.

VI.

Cæterum ad Justificationem cum Sacramento Pœnitentiæ consequendam atritus metu concepta non sufficit, sed necessarius est amor Dei benevolus.

VII.

Confessio Sacramentalis est omnibus post Baptismum lapsis necessaria Jure Divino, ut pote à Christo Domino instituta.

VIII.

Præceptum Ecclesiasticum Confessionis obligat semel in anno.

IX.

Legitimus autem Minister hujusce Confessionis Sacramentalis est solus Sacerdos.

X.

Confessio annua facta cuilibet Sacerdoti à summo Pontifice vel Episcopo delegato & approbato, non requisito consensu Sacerdotis Parochialis, est valida, & licita, eaq; satisfat Canonis: *Omnis utriusq; sexus.*

XI.

Religiosi Mendicantes habent Jurisdictionem excipiendi Confessiones Sæcularium à summis Pontificibus mediante approbatione Episcopi.

XII.

Quilibet pœnitens in fine vitæ hoc est in articulo mortis potest absolvi à quolibet Sacerdote, consequenter etiam ab excommunicato, degradato, schismatico, hæretico.

XIII.

XIII.

Absolutio differenda est consuetudinario, qui semel atq; iterum
 Amonitus, & correptus à Confessario, neglexit remedia ab ipso
 præscripta, nec se emendavit, quousq; factis emendationem proba-
 verit; quantumvis dicat nunc se pænitere, & esse ad omnia pa-
 ratum.

XIV.

Sacerdos jure naturali, Divino, & humano, prohibetur revelare
 Sin quovis casu, sive directe, sive indirecte peccata audita in Con-
 fessione Sacramentali.

Ad Majorem DEI Gloriam B. V. MARIE Honorem
S. THOMÆ Aquin: Ang: quinti Ecclesiæ Doctoris
ac OO. SS. Venerationem,



hlo:

Biblioteka Jagiellońska



std/0026627

